

АЗБУКА ВЕРЫ




Акафист Иисусу Сладчайшему

Молитвослов 2019

Акафист Иисусу Сладчайшему

- [Акафист Иисусу Сладчайшему с параллельным переводом на современный русский язык](#)



Кондак 1

Возбранный Воевода и Господи, ада победителю, яко избавлься от вѣчныя смѣрти, похвѣльная восписую Ти, создание и раб Твой; но, яко имѣяй милосѣрдие неизреченное, от всяких мя бед свободи, зовуща: Иисусе, Сыне Божий, помилуй мя.

Сошествие Христа во ад (Мф.12:40), (1Пет.3:18-19).

Икос 1

Ангелов Творче и Господи сил, отвори ми недоуменный ум и язык на похвалу пречистаго Твоего имени, якоже глухому и гугнивому древле слух и язык отверзл еси, и, глаголаше зовый такова:я:

Иисусе пречудный, ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепость. Иисусе претихий, монахов радость; Иисусе премилостивый, пресвитеров сладость. Иисусе милосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

Исцелении глухого косноязычного (Мк.7:31-37).

Кондак 2

Видя вдовицу зельне плачущу, Господи, якоже бо тогда умилосердився, сына ея на погребение несима воскресил еси; сице и о мне умилосердися, Человеколюбче, и грехми умерщвленную

мою дѹшу воскресї, зовѹщую: Аллилуїа.

Воскрешение сына наинской вдовы (Лк.7:11-16).

Икос 2

Разум неуразумѣнный разумѣти Филипп ищѣ, Гѳсподи, покажи нам Отцѣ, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отцѣ есмь? Тѣм же, Неизслѣдованне, со страхом зовѹ Ти:

Иисѹсе, Бѳже предвѣчный; Иисѹсе, Царю пресильный. Иисѹсе, Владыко долготерпеливый; Иисѹсе, Спасе премилостивый. Иисѹсе, хранителю мой преблагий; Иисѹсе, очисти грехи моя. Иисѹсе, отыми беззакония моя; Иисѹсе, отпусти неправды моя. Иисѹсе, надеждо моя, не остави мене; Иисѹсе, помощниче мой, не отри ни мене. Иисѹсе, Создателю мой, не забуди мене; Иисѹсе, Пастырю мой, не погуби мене. Иисѹсе, Сыне Бѳжий, помилуй мя.

Ответ Спасителя апостолу Филиппу (Ин.14:8-11).

Кондак 3

Силою свѣше апѳстолы облекий, Иисѹсе, во Иерусалиме седящия, облецы и мене, обнаженнаго от всякаго благодворенія, теплотою Дѹха Святаго Твоего и даждь ми с любовью пѣти Тебѣ: Аллилуїа.

Сошествие Святого Духа на апѳстолов (Деян.2:1-18).

Икос 3

Имеяй богатство милосердія, мытари и грѣшники, и неверныя призвал еси, Иисѹсе; не презри и мене ныне, подобнаго им, но, яко многоценное миро, прими песнь сию:

Иисѹсе, сило непобѣдимая; Иисѹсе, милосте безконечная. Иисѹсе, красотѳ пресветлая; Иисѹсе, любы неизреченная. Иисѹсе, Сыне Бѳга Живаго; Иисѹсе, помилуй мя грѣшнаго. Иисѹсе, услыши мя в беззаконіих зачатого; Иисѹсе, очисти мя во гресѣх рожденнаго. Иисѹсе, научи мя непотребнаго; Иисѹсе, освети мя темнаго. Иисѹсе, очисти мя сквернаго; Иисѹсе, возведи мя блуднаго. Иисѹсе, Сыне Бѳжий, помилуй мя.

Христос в доме мытаря Левия Матфея (Лк.5:27-32).

Кондак 4

Бурю внутрь имеяй помышлений сумнительных, Петр утопаше; узрев же во плѳти Тя суща, Иисѹсе, и по водам ходяща, позна Тя Бѳга истиннаго и, руку спасенія получив, рече: Аллилуїа.

Хождение Иисуса Христа по водам (Мф.14:22-33).

Икос 4

Слыша слепый мимоходяща Тя, Гѳсподи, путем вопияше: Иисѹсе, Сыне Давидов, помилуй мя! И, призвав, отвѣрзл еси ѳчи его. Просвети ѹбо милостию Твоею ѳчи мысленныя сердца и мене, вопиюща Ти и глаголюща:

Иисусе, вышних Создателю; Иисусе, нижних Искупителю. Иисусе, преисподних потребителю; Иисусе, всея твари украсителю. Иисусе, души моея утешителю; Иисусе, ума моего просветителю. Иисусе, сердца моего веселие; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, муки всякия избави мя; Иисусе, спаси мя, недостойнаго. Иисусе, Сыне Божий, помилуй мя.

Иисус Христос исцеляет слепого близ Иерихона (Лк.18:35-43).

Кондак 5

Боготочною Кровию якоже искупил еси нас древле от законных клятв, Иисусе, сие изми нас от сети, еуже змий запят ны страстьми плотскими, и блудным наваждением, и злым унынием, вопиющия Ти: Аллилуиа.

Христос [искупает](#) человечество ценой Своей Крови (1Петр.1:17-20), (Гал.3:13), (Откр.5:9).

Икос 5

Видевше отроцы еврейстии во образе человечестем Создавшего рукою человека, и Владыку разумевше Его, потщашася ветвми угодити Ему, осанна вопиюще. Мы же песнь приносим Ти, глаголюще:

Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорочный. Иисусе, Пастырю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей. Иисусе, надеждо в смерти моей; Иисусе, животу по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

Вход Господень в Иерусалим (Мф.21:8-9), (Мк.11:8-10), (Ин.12:12-13), (Лк.19:37-40).

Кондак 6

Проповедник богосных вещание и глаголы исполняя, Иисусе, на земли явлься и с человеки Невместимый пожил еси, и болезни наша подъял еси, отнюдуже ранами Твоими мы исцелевше, пети навыхом: Аллилуиа.

См. (1Кор.15:3), (1Пет.2:24).

Икос 6

Воссия вселенней просвещение истины Твоея, и отгнася лесь бесовская: идоли бо, Спасе наш, не терпяще Твоея крепости, падоша. Мы же, спасение получивше, вопием Ти:

Иисусе, истино, лесь отгоняющая; Иисусе, свете, превышший всех светлостей. Иисусе, Царю, премогаый всех крепости; Иисусе, Боже, пребываый в милости. Иисусе, Хлебе Животный, насыти мя алчущаго; Иисусе, источниче разума, напои мя жаждущаго. Иисусе, одеждо веселия, одей мя тленного; Иисусе, покрове радости, покрый мя недостойнаго. Иисусе, подателю просящим, даждь мне плач за грехи моя; Иисусе, обретение ищущим, обрящи душу мою. Иисусе, отверзителю толкущим, отверзи сердце мое окаянное; Иисусе, Искупителю грешных, очисти беззакония моя. Иисусе, Сыне Божий, помилуй мя.

См. (Иез.30:13), (Тов.14:6), (Прем.14:11), (Ис.2:18), (Ис.2:20), (Ис.31:7), (Зах.13:2).

Кондак 7

Хотя сокровенную тайну от века открыти, яко овча на заклание веден был еси, Иисусе, и яко агнец прямо стригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуиа.

Апостол Филипп и эфиопский евнух (Деян.8:26-40).

Икос 7

Дивную показав тварь, явлейся Творец нам: без семени от Девы воплотися, из гроба, печати не рушив, воскресе, и ко апостолом, дверем затворенным, с плотию вниде. Темже чудящися, воспоим:

Иисусе, Слове необыменный; Иисусе, Слове несоглядяемый. Иисусе, сило непостижимая; Иисусе, мудросте недомыслимая. Иисусе, Божество неописанное; Иисусе, господство неисчетное. Иисусе, царство непобедимое; Иисусе, владычество безконечное. Иисусе, крепосте высочайшая; Иисусе, власти вечная. Иисусе, Творче мой, ущедри мя; Иисусе, Спасе мой, спаси мя. Иисусе, Сыне Божий, помилуй мя.

См. (Мф.1:23), (Ин.20:19-20).

Кондак 8

Странно Бога вочеловечшася видяще, устранимся суетнаго мира и ум на Божественная возложим. Сего бо ради Бог на землю сниде, да нас на небеса возведет, вопиющих Ему: Аллилуиа.

См. (Откр.19:6).

Икос 8

Весь бе в нижних, и вышних никакоже отступи Неисчетный, егда волею нас ради пострадал, и смертию Своею нашу смерть умертвил, и воскресением живот дарова поющим:

Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радосте совестная; Иисусе, надежду известная. Иисусе, памяти предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

См. (Рим.5:10).

Кондак 9

Все естество ангельское безпрестани славит пресвятое имя Твое, Иисусе, на небеси: Свят, Свят, Свят, вопиюще; мы же, грешнии на земли бранными устнами вопием: Аллилуиа.

См. (Ис.6:3), (Откр.4:8).

Икос 9

Ветия многовещанная якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложный и человек совершенный пребываеши? Мы же тайнству дивя-

щеса, вопиём вёрно:

Иисусе, Бóже предвечный; Иисусе, Царю царствующих. Иисусе, Владыко владеющих; Иисусе, Судие живых и мёртвых. Иисусе, надёждо ненадёжных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоёй; Иисусе, отжени от мене уныние. Иисусе, просвети моя мысли сердечныя; Иисусе, даждь ми память смёртную. Иисусе, Сыне Бóжий, помилуй мя.

См. (Иов.12:7-9).

Кондак 10

Спасти хотя мир, Восточе востоком, к тёмному западу – естеству нашему пришед, смирился еси до смёрти; тёмже превознесёся имя Твоё паче всякаго имени, и от всех колён небесных и земных слышиши: Аллилуиа.

См. (Лк.1:76-79).

Икос 10

Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхеа мытаря, да вопиём Ти, во умилении зовуще:

Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сырых защитниче; Иисусе, труждающихся помощи. Иисусе, страннных наставниче; Иисусе, плавающих кормчий. Иисусе, бурных отиши; Иисусе Бóже, воздвигни мя падшаго. Иисусе, Сыне Бóжий, помилуй мя.

Исцеление десяти прокаженных (Лк.17:12-20). Обращение мытаря Закхея (Лк 19:1-10).

Кондак 11

Пение всеумиленное приношу Ти недостойный, вопию Ти яко хананеа: Иисусе, помилуй мя; не дочь бо, но плоть имам страстми люте бесящуюся и яростию палимую, и исцеление даждь вопиющу Ти: Аллилуиа.

Исцеление дочери хананеянки (Мф.15: 21-28).

Икос 11

Светоподательна светильника сущим во тьме неразумия, прежде гоняй Тя Пáвел, богоразумнаго гласа силу внуши и душевную быстроту уясни; сие и мене тёмная зеницы душевныя просвети, зовуща:

Иисусе, Царю мой прекрепкий; Иисусе, Бóже мой пресильный. Иисусе, Господи мой пребезсмёртный; Иисусе, Создателю мой преславный. Иисусе, Наставниче мой предобрый; Иисусе, Пастырю мой прещедрый. Иисусе, Владыко мой премилостивый; Иисусе, Спасе мой премилосердый. Иисусе, просвети моя чувства, потемнённые страстми; Иисусе, исцели моё тело, оструплённое грехми. Иисусе, очисти мой ум от помыслов суетных; Иисусе, сохрани сердце моё от похотей лукавых. Иисусе, Сыне Бóжий, помилуй мя.

Обращение Савла: (Деян.9:3-7).

Кондак 12

Благода́ть пода́ждь ми, всех долго́в решите́лю, Иису́се, и приими́ мя ка́ющаяся, я́коже прия́л еси́ Петра́, отве́ргшагося Тебе́, и призови́ мя уныва́ющаго, я́коже дре́вле Па́вла, гоня́ща Тя, и услы́ши мя, вопи́юща Ти: Аллилу́иа.

Покаяние Петра (Ин.21:15-17). Обращение Савла (Деян.9:3-7).

Икос 12

Пою́ще Твое́ вочелове́чение, восхваля́ем Тя вси, и ве́руем со Фо́мою, я́ко Госпо́дь и Бог еси́, се́дйи со Отце́м и хотя́и суди́ти живы́м и ме́ртвым. Тогда́ у́бо сподо́би мя десна́го стоя́ния, вопи́ющаго:

Иисусе, Царю́ предвечный, помилуй мя; Иисусе, цвете́ благово́нный, облагоуха́й мя. Иисусе, тепло́то любима́я, согре́й мя; Иисусе, хра́ме предвечный, покрый́ мя. Иисусе, оде́ждо све́тлая, украси́ мя; Иисусе, бисере́ честный, осия́й мя. Иисусе, ка́меню драги́й, просвети́ мя; Иисусе, со́лнце пра́вды, освети́ мя. Иисусе, све́те святы́й, облистай́ мя; Иисусе, боле́зни душе́вныя и теле́сныя изба́ви мя. Иисусе, из руки́ сопроти́вныя изми́ мя; Иисусе, огня́ неугасима́го и про́чих вечных му́к свободи́ мя. Иисусе, Сы́не Бо́жий, помилуй мя.

Уверение апостола Фомы (Ин. 20:26-28).

Кондак 13

О, пресла́дкий и всеще́дрый Иису́се! Приими́ ны́не ма́лое моле́ние си́е на́ше, я́коже прия́л еси́ вдови́цы две ле́пте, и сохрани́ досто́яние Твое́ от враг ви́димых и неви́димых, от нашест́вия иноплеме́нник, от недуга́ и гла́да, от вся́кия ско́рби и смертоно́сныя ра́ны, и гряду́щая изми́ му́ки всех, вопи́ющих Ти: Аллилу́иа, аллилу́иа, аллилу́иа. (Кондак чита́ется трижды)

Две лепты бедной вдовы (Мк.12:41-44).

Икос 1

Ангелов Тво́рче и Го́споди сил, отве́рзи ми недоуме́нный ум и язы́к на похвалу́ пречи́стаго Твое́го́ и́мене, я́коже глухо́му и гугни́вому дре́вле слух и язы́к отве́рзл еси́, и, глаго́лаше зовы́й такова́я:

Иисусе пречу́дный, а́нгелов удивле́ние; Иисусе преси́льный, прароди́телей изба́вление. Иисусе пресла́дкий, патриархов велича́ние; Иисусе пресла́вный, царей укрепле́ние. Иисусе прелюби́мый, проро́ков исполне́ние; Иисусе предивный, му́чеников кре́посте. Иисусе прети́хий, мона́хов ра́досте; Иисусе премилостивый, пресви́теров сла́досте. Иисусе премилосе́рдый, по́стников возде́ржание; Иисусе пресла́достный, преподо́бных ра́дование. Иисусе пречестный, де́вственных цело́мудрие; Иисусе предвечный, грешников спасе́ние. Иисусе, Сы́не Бо́жий, помилуй мя.

Кондак 1

Возбра́нный Воево́до и Го́споди, а́да победи́телю, я́ко изба́вься от вечны́я сме́рти, похва́льная воспису́ю Ти, создáние и раб Твой; но, я́ко имейя́ милосе́рдие неизрече́нное, от вся́ких мя бед свободи́, зову́ща: Иисусе, Сы́не Бо́жий, помилуй мя.

Моли́тва

Влады́ко Го́споди Иису́се Христе́ Бо́же мой, иже неизрече́ннаго ра́ди Твоего́ человеколю́биа на ко́нec веко́в во плоть оболкѣйся от Присноде́вы Мари́и, сла́влю о мне Твое́ спаси́тельное промышле́ние, раб Твой, Влады́ко; песносло́влю Тя, яко Тебе́ ра́ди Отца́ позна́х; благословлю́ Тя, Егóже ра́ди и Дух Святы́й в мир при́иде; покланя́юся Твое́й по плóти Пречи́стой Матери, тако́вѣй стра́шной та́йне послужѣвшей; восхваля́ю Твоя́ Ангельская́ ликостоя́ния, яко воспевáтели и служѣтели Твоего́ вели́чества; ублажа́ю Предте́чу Иоáнна, Тебе́ крестѣвшаго, Го́споди; почи́таю и провозвестѣвша́я Тя проро́ки, прославля́ю апо́столы Твоя́ святы́я; торжеству́ю же и муче́ники, священники́ же Твоя́ сла́влю; покланя́юся преподо́бным Твои́м, и вся Твоя́ пра́ведники́ пѣснствую. Тако́ваго и толи́каго мно́гаго и неизрече́ннаго ли́ка Божества́ннаго в моли́тву приво́жду Тебе́, всеще́дрому Бо́гу, раб Твой, и сего́ ра́ди прошу́ мои́м согреше́нием прощѣния, е́же да́руй ми всех Твои́х ра́ди святы́х, изряднее же святы́х Твои́х щедро́т, яко благослове́н еси́ во ве́ки. Ами́нь.

* * *

Старший список Акафиста Иисусу Сладчайшему датируется XIII веком; славянский перевод осуществлен в XIV веке, автор гимна неизвестен. Повествовательная часть акафиста включает в себя основные этапы земного пути Спасителя. Сюжеты из Евангелия сочетаются с молениями в поэтической форме.